

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
Općina Novi Grad Sarajevo  
Općinski načelnik  
Broj: 02/12-19-13848/24  
Sarajevo, 03.6.2024. godine

Na osnovu člana 64. stav (1) i član. 70. stav (1), (3) i (6) Zakona o javnim nabavkama BiH („Službeni glasnik BiH“, br. 39/14 i 59/22) i Pravilnika o javnim nabavkama roba, vršenju usluga i ustupanju radova broj: 02/12-45-25701/22 od 10.12.2022. godine, a na preporuku Komisije za javnu nabavku radova, Općinski načelnik donosi:

## **ODLUKU**

**o izboru najpovoljnijeg ponuđača – Izvođenje radova na izgradnji teniskih terena u Centru Safet Zajko**

### **I**

Ugovor za javnu nabavku – Izvođenje radova na izgradnji teniskih terena u Centru Safet Zajko (objavljeno na Portalu javnih nabavki BiH broj obavještenja 422-7-3-93-3-122/24 od 15.5.2024. godine i objavljeno u “Službenom glasniku BiH – Oglasnik javne nabavke” br. 34/24) dodjeljuje se najpovoljnijem ponuđaču „Winner Project“ d.o.o. Sarajevo sa ponudom u iznosu od 75.573,84 KM bez PDV-a, odnosno 88.421,39 KM sa PDV-om.

### **II**

Zadužuje se Služba za zajedničke poslove da ovu Odluku objavi na web stranici Općine [www.novigradsarajevo.ba](http://www.novigradsarajevo.ba), istovremeno sa upućivanjem iste ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama, te da nakon isteka žalbenog roka pripremi ugovor i dostavi Općinskom načelniku na potpis.

### **III**

Obavezuje se ponuđač iz tačke I ove Odluke da dostavi dokumentaciju traženu tačkom 2.1.3. tenderske dokumentacije koja se odnose na član 45. stav (2) tačka od a) do d) Zakona i dokumentaciju traženu u tački 2.3.3. tenderske dokumentacije koja se odnosi na ekonomsku i finansijsku sposobnost. Dokazi koje će dostaviti odabrana grupa ponuđača moraju biti originalni ili ovjerene kopije i ne mogu biti stariji od 3 mjeseca, računajući od dana utvrđenog kao krajni rok za predaju ponuda.

## **Obrazloženje**

Odlukom broj 02/12-19-13848/24 od 15.5.2024. godine Općina Novi Grad Sarajevo pokrenula je konkurentski postupak javne nabavke – Izvođenje radova na izgradnji teniskih terena u Centru Safet Zajko, objavljeno na Portalu javnih nabavki BiH broj obavještenja 422-7-3-93-3-122/24 od 15.5.2024. godine i objavljeno u “Službenom glasniku BiH – Oglasnik javne nabavke” br. 34/24.

Zapisnikom o otvaranju ponuda od 27.5.2024. godine Komisija je konstatovala da je u predviđenom roku, u propisno upakovanoj koverti, pristigla jedna (1) ponuda ponuđača: 1. „Winner Project“ d.o.o. Sarajevo.

Komisija je nakon postupka javnog otvaranja ponuda pristupila analizi i procjeni dokumentacije kojom ponuđač treba dokazati svoju kvalifikovanost za učešće u ovom postupku, te utvrdila da ponuda „Winner Project“ d.o.o. Sarajevo ispunjava formalno-pravne i kvalifikacione uslove tražene u tenderskoj dokumentaciji. Komisija je izvršila računsku kontrolu ponude te utvrdila

da nije bilo računске greške, kao i da je ponuđena cijena za ugovor unutar procijenjene vrijednosti predviđene Odlukom o pokretanju predmetnog postupka.

Nakon što je Komisija utvrdila da je dostavljena jedna prihvatljiva ponuda, a da je obavještenjem o nabavci i tenderskom dokumentacijom bila predviđena e-aukcija, u skladu sa članom 4. stav (2) Pravilnika o uslovima i načinu korištenja e-aukcije, odlučeno je da će se predmetni postupak okončati u skladu sa članom 69. Zakona o javnim nabavkama BiH, te Komisija dala preporuku za zaključenje ugovora sa najpovoljnijem ponuđačem „Winner Project“ d.o.o. Sarajevo.

Imajući u vidu da je Komisija u cijelosti pravilno provela postupak i da je izbor ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom, to se prihvata preporuka Komisije za javnu nabavku radova, te je shodno odredbama člana 64. stav (1) tačka b) Zakona o javnim nabavkama odlučeno kao u dispozitivu.

#### **Pouka o pravnom lijeku:**

Protiv ove Odluke može se izjaviti žalba Uredu za razmatranje žalbi BiH putem ugovornog organa u roku od 5 (pet) dana od prijema Odluke. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

Obradila: Anisa Besagić, sekretar komisije

DOSTAVITI:

1. Ponuđačima u postupku
2. Služba za zajedničke poslove
3. Komisija za javne nabavke radova
4. U spis

